



## Ársskýrsla



**Velferðarþjónusta almanaksárið 2016**

**Skólalþjónusta skólaárið 2016-2017**

# Skipurit skóla- og velferðarþjónustu Árneshings.



**Mynd 1.** Skýring: Forstöðumaður er faglegur yfirmaður starfsmanna velferðarþjónustu en starfsmenn heyra undir það sveitarfélag eða hóp sveitarfélaga þar sem þeir hafa starfsstöð. Forstöðumaður, starfsmenn skólaþjónustu og félagssráðgjafi í málefnum fatlaðs fólks eru starfsmenn allra sveitarfélaganna sem aðild eiga að samningum.

## Nefnd Oddvita og sveitastjóra

Byggðasamlag um Skóla- og velferðarþjónustu Árneshings var stofnað 24. júní 2015. Sveitarfélög sem eru aðilar að byggðasamlaginu eru: Bláskógabyggð, Flóahreppur, Grímsnes- og Grafningshreppur, Hrunamannahreppur, Hveragerði, Skeiða- og Gnúpverjahreppur og Sveitarfélagið Ölfus. Stjórn byggðasamlagsins (NOS) fer í umboði viðkomandi sveitarstjórna með yfirstjórn skóla- og velferðarþjónustunnar. Stjórnin skipa oddvita/sveitarstjórar aðildarsveitarfélaganna. Í stjórn NOS sitja eftirtaldir fulltrúar:

Aldís Hafsteinsdóttir, formaður  
Gunnar Þorgeirsson  
Halldóra Hjörleifsdóttir  
Gunnsteinn Ómarsson  
Árni Eiríksson  
Helgi Kjartansson  
Björgvin Skafti Bjarnason

## Skólaþjónustu- og velferðarnefnd

Skólaþjónustu- og velferðarnefnd er skipuð sjö fulltrúum frá hverju sveitarfélagi og skipar stjórn byggðasamlagsins (NOS) í nefndina. Nefndin fer með í umboði viðkomandi sveitarstjórna, stjórn og framkvæmd Skóla- og velferðarþjónustu Árneshings. Nefndarmenn eru sem hér segir:

Bryndís Böðvarsdóttir formaður  
Ásmundur Lárusson  
Hörður Óli Guðmundsson  
Eyrún Hafþórsdóttir  
Unnur Þormóðsdóttir  
Sigurbára Rúnarsdóttir  
Bjarney Vignisdóttir

Á árinu 2016 voru 6 fundir haldnir í nefndinni.

### **Starfsfólk**

#### **Forstöðumaður Skóla- og velferðarþjónustu:**

María Kristjánsdóttir

#### **Skólaþjónusta:**

Hrafnhildur Karlsdóttir, teymisstjóri og kennsluráðgjafi  
Kolbrún Sigþórsdóttir, kennsluráðgjafi, hóf störf 1. ágúst 2016  
Hugrún Vignisdóttir, sálfræðingur  
Berglind Friðriksdóttir, sálfræðingur  
Anna Stefanía Vignisdóttir, talmeinafræðingur Uppsveita og Flóa.

#### **Málefni fatlaðs fólks:**

Arna Ír Gunnarsdóttir, félagsráðgjafi

#### **Velferðarþjónusta:**

**Hveragerðisbær:** Halla Dröfn Jónsdóttir, félagsráðgjafi, Erna Guðmundsdóttir forstöðumaður heimaþjónustu og Steinunn Jónsdóttir forstöðumaður heimilisins Birkimörk.

**Sveitarfélagið Ölfus:** Tara Margrét Vilhjálmsdóttir félagsráðgjafi, Sigrún Theódórsdóttir forstöðumaður þjónustumiðstöðvar eldri borgara, Steinunn E. Þorsteinsdóttir forstöðumaður heimilisins Selvogsbraut.

**Laugarás** (Uppsveitir Árnassýslu og Flói): Sigurjón Árnason félagsráðgjafi, Sigrún Símonardóttir forstöðumaður heimaþjónustu.

# Velferðarþjónusta Árneshvíks

Velferðarþjónusta Árneshvíks starfar á grundvelli laga um félagslega þjónustu nr. 40/1991, barnaverndarlaga nr. 80/2002, laga um málefni aldraðra nr. 125/1999 og laga um málefni fatlaðs fólks nr. 59/1992.

## Markmið velferðarþjónustu Árneshvíks

- Markmið með velferðarþjónustu er að veita góðar upplýsingar og leiðbeiningar vegna annars vegar félagslegra réttindamála og hins vegar aðstoð vegna félagslegs eða persónulegs vanda. Í störfum sínum leggur starfsfólk velferðarþjónustunnar áherslu á fyrirbyggjandi úrræði og leiðir sem stuðla að hjálp til sjálfshjálpar.
- Félagssleg ráðgjöf er veitt án fordóma og af virðingu fyrir einstaklingum. Áhersla er lögð á styrkleika notenda þjónustunnar með heildarsýn að leiðarljósi. Áhersla er á að virkja notendur til sjálfhjálpar með fjölbreyttum virkniúrræðum sem henta þörfum sem flestra.
- Markmið með barnaverndarstarfi er að tryggja að börn sem búa við óviðunandi aðstæður eða börn sem stofna heilsu sinni og þroska í hættu fái nauðsynlega aðstoð. Leitast skal við að ná þessum markmiðum með því að styðja fjölskyldur í uppeldislutverkinu og beita úrræðum til verndar börnum þegar það á við.
- Lögð er áhersla á gott samstarf við íbúa og stofnanir sveitarfélaganna um málefni barna m.a. til að tryggja sem best að tilkynningarskylda skv. barnaverndarlögum sé virt.
- Félagssleg heimþjónusta skal vera einstaklingsmiðuð og veittur skal viðeigandi stuðningur til aldraðra svo þeir geti dvalið sem lengst á eigin heimili.
- Heimili fatlaðs fólks hafa hugmyndafræði um sjálfstætt líf að leiðarljósi. Lögð er áhersla á að efla sjálfstæði íbúanna, að styðja þá til þátttöku í eigin lífi og að efla færni þeirra til félagslegra samskipta.

## Félagssleg ráðgjöf

Félagssleg ráðgjöf er veitt skv. lögum um félagsþjónustu sveitarfélaga, og lögum um málefni fatlaðs fólks og getur og getur bæði verið í formi almennrar og sérhæfðrar ráðgjafar.

Markmið félagslegrar ráðgjafar er tvíþætt. Annars vegar að veita upplýsingar um félagsleg réttindamál og hins vegar að veita stuðning vegna félagsleg og persónulegs vanda.

Ráðgjöf sem stendur til boða er:

- Félagssleg ráðgjöf s.s. vegna uppeldis- og samskiptavanda, skilnaðar, forsjár- og umgengismála
- Ráðgjöf vegna fjármála
- Ráðgjöf vegna húsnæðismála og/eða þjónustu í búsetu
- Ráðgjöf er tengist atvinnu og endurhæfingu
- Sérhæfð ráðgjöf / þjónusta vegna fatlaðra barna


Fjöldi mála í félagslegri ráðgjöf hafa ekki verið talin sérstaklega en oftast er veitt slík ráðgjöf um leið og notendur sækja um félagslega aðstoð.

## Fjöldi íbúa í sveitarfélögum og aldurskipting íbúa

Í desember 2016 var fjöldi íbúa í sveitarfélögum sem hér segir:

<b>Hveragerði</b>	2463
<b>Ölfus</b>	1956
<b>Bláskógabyggð</b>	979
<b>Flóahreppur</b>	619
<b>Grímsnes- og Grafningshreppur</b>	465
<b>Hrunamannahreppur</b>	807
<b>Skeiða- og Gnúpverjahreppur</b>	521
<b>Samtals</b>	7810

Aldurskipting íbúa eftir sveitarfélögum:




**Mynd 1.** Aldurskipting íbúa eftir sveitarfélögum.

## Fjárhagsaðstoð

Fjárhagsaðstoð er veitt samkvæmt lögum um félagsþjónustu sveitarfélaga en samkvæmt þeim er hverjum og einum skylt að framfæra sjálfan sig, maka sinn og börn yngri en 18 ára. Í lögnum er einnig kveðið á um að sveitarfélag skuli veita íbúum sínum þjónustu og aðstoð sem er til þess fallin að bæta úr vanda eða koma í veg fyrir að fólk lendi í þeirri aðstöðu að geta ekki séð fyrir sér og sínum. Skólaþjónustu- og velferðarnefnd Árneshings hefur sett sér sérstakar reglur um fjárhagsaðstoð sem starfsmenn Skóla- og velferðarþjónustu vinna eftir.


Ýmsar ástæður geta legið að baki því að fólk þurfi fjárhagsaðstoð, svo sem lág laun, atvinnuleysi eða veikindi. Fjárhagsaðstoð til einstaklings getur verið allt að kr. 144.635 á mánuði og kr. 231.415 á mánuði til hjóna eða fólks í sambúð. Aðstoðin er óháð barnafjölda, þar sem reiknað er með að barnabætur, meðlög og barnalífeyrir mæti kostnaði vegna barna. Vaxtabætur og húsaleigubætur mæta mismunandi kostnaði vegna húsnæðis. Heimilt er að veita einstaklingum og fjölskyldum aðstoð vegna sérstakra aðstæðna, sbr. IV. kafla í reglum um fjárhagsaðstoð. Ráðgjöf vegna fjármála er veitt þar sem þörf er fyrir hana og alltaf í tengslum við fjárhagslega aðstoð.

Fjöldi fjárhagsaðstoðarþega árinu 2016 voru alls 82, 34 karlar og 48 konur. Fjárhagsaðstoðarþegum hefur fækkað frá síðasta ári en þá voru 115 sem fengu aðstoð. Heildarupphæð fjárhagsaðstoðar árið 2016 var kr. 28.771.564 sem er 35% lægri upphæð en á síðasta ári.



Mynd 2. Fjöldi fjárhagsaðstoðarþega skipt eftir hjúskaparstöðu í Árneshingi.


Fjöldi fjárhagsaðstoðarþega skipt eftir starfsstöðvum:



**Mynd 3.** Laugarás.

Heildarfjöldi fjárhagsaðstoðarþega  
Heildarfjárhæð fjárhagsaðstoðar 2016


16 einstaklingar  
kr. 4.804.943



**Mynd 4.** Hveragerði.

Heildarfjöldi fjárhagsaðstoðarþega  
Heildarupphæð fjárhagsaðstoðar árið 2016

45 einstaklingar  
kr. 13.589.655




**Mynd 5.** Sveitarfélagið Ölfus.

Heildarfjöldi fjárhagsaðstoðarþega  
Heildarupphæð fjárhagsaðstoðar árið 2015

21 einstaklingar  
kr. 10.376.966

### Fjárhagsaðstoð skipt eftir aldri og kyni:


Flestir sem fá fjárhagsaðstoð í Árnesþingi eru á aldrinum 25-39 ára og eru konur þar í meirihluta. Flestar af þeim konum eru einstæðar mæður. Karlmennt í yngsta aldurshópnum koma síðan þar á eftir. Fæstir fá fjárhagsaðstoð í elsta aldursflokknum.



Mynd 6. Fjárhagsaðstoð eftir aldri og kyni.

### Fjöldi mánaða á fjárhagsaðstoð skipt eftir starfsstöðvum.

Fjárhagsaðstoð sveitarfélaga er hugsuð sem neyðaraðstoð og er öryggisventill ef önnur kerfi grípa ekki einstaklinginn. Í grafinu hér fyrir neðan sést að langflestir fá fjárhagsaðstoð í stuttan tíma og má því segja að markmið fjárhagsaðstoðar sem neyðaraðstoð sé náð. Þeir einstaklingar sem fá fjárhagsaðstoð í 7 mánuði og lengur eiga oft við fjölpættan vanda að stríða, s.s. fíknivanda, þunglyndi og félagsfælni og getur tekið tíma að finna úrræði sem hentar þeim.




Mynd 7. Fjöldi mánaða á fjárhagsaðstoð eftir starfsstöðvum.




## Barnavernd

Félagsráðgjafar vinna að málefnum barna og ungmenna samkvæmt barnaverndarlögum og í umboði Skólaþjónustu- og velferðarnefndar Árnesþings.

Markmið barnaverndarlaga er að tryggja börnum sem búa við óviðunandi aðstæður eða stofna heilsu sinni og þroska í hættu nauðsynlega aðstoð. Leitast skal við að ná markmiðum laganna með því að styrkja fjölskyldur í uppeldishlutverki sínu og beita úrræðum til verndar einstökum börnum þegar það á við. Flest barnaverndarmál sem upp koma eru unnin í góðri samvinnu við foreldra og börn. Mikil áhersla er lögð á að finna sameiginlegar lausnir og leiðir og eru gerðar meðferðaráætlanir í öllum málum.



**Mynd 8.** Heildarfjöldi fjölskyldna og barna sem unnið var með á árinu.




**Mynd 9.** Heildarfjöldi tilkynninga árið 2013 – 2016


## Tilkynningarástæður

Tilkynningarstæður skiptast í þrjá megin flokka: Vanræksla, ofbeldi og áhættu hegðun. Vanræksla gagnvart barni er skilgreind sem skortur á nauðsynlegri athöfn, sem leiðir til eða er líkleg til að leiða til skaða á þroska barns. Vanræksla skiptist í fjóra flokka: Líkamleg vanræksla, Vanræksla varðandi umsjón og eftirlit, vanræksla varðandi nám og tilfinningarleg vanræksla. Ofbeldi gagnvart barni er skilgreint sem athöfn af hálfu foreldris eða annars aðila, sem leiðir til eða er líklegt til að leiða til skaða á þroska barns. Ofbeldi skiptist í þrjá flokka: Barn beitt tilfinningalegu ofbeldi, barn beitt líkamlegu ofbeldi og barn beitt kynferðislegu ofbeldi. Áhættu hegðun barns er skilgreind sem athöfn eða skortur á athöfn barns sem veldur barninu sjálfu eða öðrum skaða eða er líklegt til að valda því eða öðrum skaða. Í áhættu felst að auknar líkur séu á óæskilegri þróun þegar um áhættu hegðun barna er að ræða. Oftast er um börn eldri en 13 ár að ræða í þessum hluta. Áhættu hegðun skiptist í fimm flokka: Grunur um neyslu barna á vímuefnum, grunur um að barn stefni eigin heilsu í hættu, grunur um afbrot barns, grunur um að barn beiti annan einstakling ofbeldi og grunur um erfiðleika barns í skóla, skólasókn áfátt.

Hér fyrir neðan má sjá ástæður tilkynninga og fjöldi barna sem tilkynnt var um.




**Mynd 10.** Fjöldi tilkynningarástæðna skipt eftir starfsstöðvum.



**Mynd 11.** Fjöldi barna sem tilkynnt var um.

## Könnun mála.


Mál telst barnaverndarmál þegar ákvörðun er tekin um að hefja könnun máls. Af þeim tilkynningum sem bárust árið 2016 var ákveðið að hefja könnun í máli 76 barna þar af voru mál 11 barna sem þegar voru í vinnslu könnuð á ný. Ekki var talin ástæða til að kanna aðstæður 8 barna.



**Mynd 12.** Barnaverndarmál eftir starfsstöðvum.

## Staða mála eftir könnun

Þegar könnun máls er lokið þá er metið hvort ástæða sé til að veita stuðning skv. barnaverndarlögum. Í tölunum hér fyrir neðan eru ekki þau 11 börn sem könnuð voru á ný þar sem þau voru þegar með stuðningsúrræði skv. barnaverndarlögum. Ekki var þörf á að veita stuðning í málum 44 barna.




**Mynd 13.** Staða mála eftir starfsstöðvum.

## Stuðningsúrræði

Stuðningur skv. barnaverndarlögum var veittur í málum 21 barns þar sem vinnsla málsins hófst á árinu. Jafnframt var veittur áframhaldandi stuðningur í málum 19 barna þar sem vinnsla máls hófst fyrir árið 2016.

Eftirfarandi stuðningsúrræðum var beitt á árinu 2016 (ath. fleiri en eitt úrræði getur átt við hvert barn):




**Mynd 14.** Stuðningsúrræði sem var beitt árið 2016.

Á árinu 2016 voru 4 börn vistuð utan heimilis tímabundið, í 6 mánuði eða skemur. Eitt barn fór í tímabundið fóstur (eitt ár eða lengur). Fjögur börn eru í varanlegu fóstri á vegum nefndarinnar.

## Staða barnaverndarmála í árslok 2016

Mál 40 barna eru enn í vinnslu hjá barnavernd við árslok en málum 55 barna var lokað á árinu og tveimur málum var vísað til annarrar barnaverndarnefndar.




**Mynd 15.** Staða mála við árslok eftir starfsstöðvum.

## Félagsleg heimaþjónusta

Félagsleg heimaþjónusta er veitt skv. lögum um félagsþjónustu nr. 91/2001 og reglum skóla- og velferðarþjónustu samþykktar 2013. Heimaþjónusta er fyrir þá sem búa í heimahúsum og geta ekki séð hjálparlaust um heimilishald og persónulega umhirðu vegna skertrar getu, fjölskylduaðstæðna, veikinda eða fötlunar. Félagsleg heimaþjónusta felur í sér eftirfarandi þjónustubætti: Aðstoð við heimilisþrif, aðstoð við persónulega umhirðu, félagslegan stuðning, innlit, stutt viðvera og heimsendingu matar/aðstoð við matargerð. Réttur fólk til að fá þjónustu byggir annars vegar á þeim lögum sem skylda sveitarfélög til að veita þjónustuna og hins vegar á greiningu á þörf í hverju tilviki fyrir sig. Þar sem meginmarkmið heimaþjónustu er hjálp til sjálfshjálpar er í sumum tilvikum um tímabundna þjónustu að ræða.

Í félagslegri heimaþjónustu starfa alls 22 starfsmenn í samtals 15,4 stöðugildum. Sveitarfélögin veita þjónustu almennt á dagvinnutíma og eru flestir að fá aðstoð við þrif á heimili. Í Sveitarfélaginu Ölfusi er einnig veitt þjónusta um kvöld og helgar og er þá fyrst og fremst verið að veita aðstoð við persónulega umhirðu. Á árinu fengu 192 einstaklingar félagslega heimaþjónustu og var heildarfjöldi þjónustutíma 14.333 klst. Heildarkostnaður vegna félagslegrar heimaþjónustu á árinu var kr. 115.122.290.



**Mynd 16.** Fjöldi heimila sem fá heimaþjónustu skipt eftir sveitarfélögum.

## Dagdvöl aldraðra

Dagdvöl hefur það að markmiði að auðvelda öldruðum að búa sem lengst á eigin heimili og er stuðningsúrræði við þá sem að staðaldri þurfa eftirlit og umsjón til að geta búið lengur heima. Í dagdvöl er boðið upp á mat á heilsufari, þjálfun, tómstundaiðju, stuðning, fræðslu, ráðgjöf og aðstoð við athafnir daglegs lífs.


Sveitarfélagið Ölfus rekur dagdvöl fyrir 8 einstaklinga í Þjónustuhúsi eldri borgara að Egilsbraut 9 í Þorlákshöfn.

Í Hveragerði rekur dvalar- og hjúkrunarheimilið Ás dagdvöl fyrir 5 einstaklinga sem nefnist Bæjarás. Reksturinn er í samstarfi við Hveragerðisbæ en Ás sér um daglegan rekstur og Hveragerðisbær sér um ferðþjónustu til og frá dagdvöl.

## Málefni fatlaðs fólks

### Þjónusta

Fatlað fólk nýtur allrar almennrar þjónustu sem sveitarfélög veita. Auk þess er í boði ýmis sértæk þjónusta í samræmi við lög um málefni fatlaðs fólks sem miðar að því að tryggja fötlugu fólki jafnrétti og skapa þeim skilyrði til að lifa eðlilegu lífi. Sérhæfð stoðþjónusta er ætluð þeim sem eru með fötlunargreiningu skv. 2. gr. laga um málefni fatlaðs fólks nr. 59/1992 með síðari breytingum.



**Mynd 17.** Fjöldi fatlaðs fólks sem njóta þjónustu skipt eftir starfsstöðvum.

### Félagsleg liðveisla

Með félagslegri liðveislu er átt við persónulegan stuðning og aðstoð sem hefur það markmiði að rjúfa félagslega einangrun og auka félagslega færni. Að jafnaði eru einstaklingum veittir 10 tímar í liðveislu á mánuði en hámarkstímafjöldi er 20 tímar á mánuði samkvæmt reglum Skóla- og velferðarþjónustu Árneshöfn. Á árinu fengu 81 einstaklingar liðveislu. Heildarfjöldi liðveislutíma var 9.065. Meðalfjöldi liðveislutíma á mánuði var um 10 tímar á hvern einstakling. Af þeim sem nýttu sér liðveislu voru 73 einstaklingar 18 ára og eldri og 8 yngri en 17 ára.

## **Ferðarþjónusta fatlaðs fólks**

Markmið ferðarþjónustu er að gera þeim, sem ekki geta nýtt sér almenningssfarartæki, kleift að stunda nám, vinnu, hæfingu, sækja heilbrigðisþjónustu og njóta tómtunda. Haft er að leiðarljósi að aðstoða fatlað fólk til fullrar þátttöku í samfélaginu og sjálfstæðs lífs eins og kostur er hverju sinni. Á árinu fengu 66 fatlaðir einstaklingar ferðarþjónustu. Farþegar voru flestir 18 ára og eldri, eða 59 talsins, en 7 börn nýttu ferðarþjónustu á árinu.

## **Stuðningsfjölskylda**

Samkvæmt 21. gr. laga um málefni fatlaðs fólks nr. 59/1992, með síðari breytingum og reglugerð um þjónustu við fötluð börn og fjölskyldur þeirra nr. 155/1995, skulu fjölskyldur fatlaðra barna eiga kost á þjónustu stuðningsfjölskyldna eftir því sem þörf krefur. Sú þörf er metin í samráði við foreldra barnsins og miðar að því að létta álagi af fjölskyldunni og auka félagslega þátttöku þess. Slíkri umsjá fylgir ekki krafa um sérstaka þjálfun eða hæfingu umfram þá daglegu þjálfun sem felst í almennum kröfum sem lúta að barnauppleði.

Þjónustan getur einnig staðið til boða fyrir fatlað fólk sem er 18 ára og eldra.

Við mat á þörf fyrir þjónustu stuðningsfjölskyldu er horft til aldurs barnsins, eðlis og umfangs fötlunar og mats á stuðningsþörf, sem og félagslegra aðstæðna. Þjónusta stuðningsfjölskyldu miðast við sólahringsþjónustu, en semja má um aðra tilhögun á framkvæmd þjónustunnar. Við mat á þörf og lengd þjónustunnar er stuðst við fötlunarflokka Tryggingarstofnunar ríkisins sem hér segir:

- Börn í fötlunarflokki 3, tveir sólahringar í mánuði.
- Börn í fötlunarflokki 2, tveir til þrjár sólahringar í mánuði.
- Börn í fötlunarflokki 1, tveir til fjórir sólahringar í mánuði.

Alls voru 5 börn hjá stuðningsfjölskyldur á árinu samtals 91 sólahring. Kostnaður vegna stuðningsfjölskyldu á árinu var kr.

## **Skammtíavistun**

Skammtíavistun er til þess ætluð að létta álagi af fjölskyldum fatlaðra barna og ungmenna með tímabundinni vistun. Þjónustan getur stuðlað að því að ungmenni búi lengur í heimahúsum, hún veitir tilbreytingu og getur verið undirbúningur flutnings að heiman. Skammtíavistun er staðsett á Selfossi og er rekin sameiginlega af Bergrisanum- Þjónustusvæði málefna fatlaðs fólks á Suðurlandi. Á árinu nýttu sér 5 börn þjónustu skammtíavistunar og dvöldu samtals 346 sólahringa. 3 fullorðnir voru alls 218 sólahringa í skammtíavistun á árinu.

## **Búseta og hæfing.**

Í Árnesþingi reka sveitarfélögin tvö heimili ætluðu fötluðu fólki sem þurfa á sólahringsþjónustu að halda.


Heimilið að Birkimörk er staðsett í Hveragerði og búa þar 5 einstaklingar. Starfsmenn heimilisins hafa það að leiðarljósi að veita íbúunum þjónustu af virðingu og mannlegri reisn. Lögð er áhersla á að efla sjálfstæði íbúanna, að styðja þá í þátttöku í eigin lífi og að efla færni þeirra til félagslegra samskipta.

Heimilið að Selvogsbraut er staðsett í sveitarfélaginu Ölfusi og búa þar 6 einstaklingar. Markmið heimilisins er að skapa íbúum öruggt heimili. Íbúar njóta aðstoðar á þeim sviðum er hindranir mæta þeim og leitast er við að örva styrkleika þeirra. Lögð er áhersla á að efla

sjálfstæði og félagsleg samskipti íbúanna og að auka lífsgæði þeirra í samræmi við óskir þerra og þarfir.

Í Árneshöfnum eru jafnframt starfandi sjálfstæðir rekstaraðilar sem reka heimili fyrir fatlað fólk. Þeirra stærst eru Sólheimar með allt að 43 fatlaða einstaklinga í búsetu. Þá kemur Skaftholt með 8 einstaklinga í búsetu og að lokum Breiðabólstaður með 4 einstaklinga. Á Sólheimum og Skaftholti er veitt alltæk þjónusta þ.e. búseta, atvinna/hæfing og tómstundir. Þeir sem búa á Breiðabólstaði í Ölfusi fara í hæfingu á Viss í Þorlákshöfn sem er vinnu- og hæfingarstöð fyrir þá sem eru með skerta starfsgetu.

Viss vinnu- og hæfingarstöð í Þorlákshöfn er rekið sem útibú frá VISS á Selfossi. Viss í Þorlákshöfn býður upp á hæfingu og vinnu fyrir 11 einstaklinga sem eru með skerta starfsgetu. Flestir sem fá þjónustu frá Viss eru með búsetu á Selvogsbraut og að Breiðabólstaði.



**Mynd 18.** Sértek þjónusta veitt fötluðu fólki skipt eftir starfsstöðvum.

## Forvarnir og fræðsla

Félagsráðgjafar sem vinna að barnavernd hélðu nokkrar kynningar fyrir starfsfólk leik- og grunnskóla þar sem farið var yfir tilkynningarskyldu og hlutverk barnaverndar.

Félagsráðgjafar vinna í samstarfi við lögreglu þegar kemur að heimilisofbeldismálum. Samstarfið felst í því að bakvakt barnaverndar fer með lögreglu í útköll á heimili þar sem tilkynnt er um heimilisofbeldi. Hlutverk starfsmanns er að tryggja öryggi barna sem eru á heimilinu og jafnframt að vera stuðningur við þolendur.



# Skólaþjónusta Árneshings

Skólaþjónusta Árneshings starfar á grundvelli reglugerðar nr. 584/2010 um sérfræðiþjónustu. Skólaárið 2016-2017 voru 934 nemendur í grunnskólum og 391 barn í leikskólum, samtals 1.358 nemendur. Mikil fjölgun er á milli ára eða um 107 nemendur. Skólar í þessum sveitarfélögum eru:

## **Leikskólar**

Álfaborg  
Bergheimar  
Krakkaborg  
Leikholt  
Óskaland  
Undraland Flúðum  
Undraland Hveragerði

## **Grunnskólar**

Bláskógaskóli – Reykholti  
Flóaskóli  
Flúðaskóli  
Grunnskólinn í Hveragerði  
Grunnskólinn í Þorlákshöfn  
Þjórsárskóli

## **Leik- og grunnskólar**

Bláskógaskóli – Laugarvatni  
Kerhólsskóli

## Markmið Skólaþjónustu Árneshings


- Styrkja og styðja faglega við starf skólanna þannig að innan þeirra sé hægt að leysa flest þau verkefni sem upp koma með öflugri ráðgjöf og fræðslu til kennara og starfsfólks.
- Styðja við og efla samvinnu leik- grunn- og framhaldsskóla í Árneshingi og stuðla að samvinnu skóla og fagfólks á svæðinu.
- Styrkja nemendur, foreldra og starfsfólk skólanna. Stuðla að bættri líðan nemenda og efla þá í námi og starfi með hugmyndafræði snemmtækrar íhlutunar.
- Stuðla að framþróun í skólastarfi og kynna nýjungar með tilliti til sérstöðu hvers skóla.

Teymisstjóri hefur umsjón með skipulagningu skólaþjónustunnar og stýrir vinnu hennar í samráði við yfirmann.


## Verkefni sálfræðinga

Sálfræðingar Skólaþjónustu Árneshings eru tveir og sinna þeir þjónustu í öllum leik- og grunnskólum á svæðinu. Þeir hafa ekki fasta viðveru í skólunum en staðsetning þeirra fer eftir eðli mála hverju sinni. Helstu verkefni sálfræðinga eru sálfræðilegar skimanir og athuganir, ráðgjöf til kennara og foreldra vegna m.a. hegðunar- og tilfinningavanda, viðtöl við nemendur, eftirfylgd sem og þverfaglegt samstarf bæði innan Skólaþjónustunnar og við aðrar stofnanir um málefni barna í leik- og grunnskólum. Auk þess sinna sálfræðingar forvörnum og fræðslu til foreldra, starfsfólks og nemenda í formi fræðslufunda, námskeiða og viðtala.


Hlutfall milli drengja og stúlkna sem fá þjónustu sálfræðings í grunnskólum er nokkuð jafnt. Í leikskólunum eru það hins vegar fleiri drengir en stúlkur sem fá þjónustu sálfræðings. Hér er þó einungis um að ræða þau mál sem komu til skimunar og athugana og var lokið á skólaárinu. Ástæður tilvísana til sálfræðinga eru oft fleiri en ein. Einnig getur fleiri en einn sérfræðingur frá Skólaþjónustunni komið að hverju máli. Þverfaglegt samstarf innan Skólaþjónustunnar er mikið sem eykur gæði þjónustu og ráðgjafar.



**Mynd 19** Hlutfall lokinna tilvísana í grunnskólum eftir kyni




**Mynd 20** Hlutfall lokinna tilvísana í leikskólum eftir kyni



**Mynd 21** Helstu tilvísunarástæður

## Verkefni talmeinafræðinga

Talmeinafræðingar skólajónustu eru nú tveir, annar starfar fyrir uppsveitir og Flóa en talmeinafræðingur sem starfar fyrir nemendur í Hveragerðisbæ tók til starfa 1. apríl 2017. Auk þess sinnti verktafi talmeinafræðinga fyrir Hveragerðisbæ frá janúar til loka mars 2017. Helstu verkefni talmeinafræðinga felast í málþroskaathugunum, framburðarathugunum o.fl. Þá veita talmeinafræðingar ráðgjöf til foreldra og starfsfólks leik- og grunnskóla um málefni er varða tal og málmeiðni barna. Talmeinafræðingar kenna á námskeiðum og fræðslufundum Skóla- og velferðarþjónustu og sinna teymisvinnu í leik- og grunnskólum.



**Mynd 22** Helstu verkefni talmeinafræðinga skólaárið 2016-2017


## Kennsluráðgjöf

Verkefni kennsluráðgjafa felast meðal annars í því að stuðla að samstarfi leik- og grunnskóla á svæðinu og samstarfi einstakra hópa í skólunum t.d. kennara sömu námsgreina. Þeir hafa frumkvæði að verkefnum sem stuðla að sameiginlegum markmiðum skóla og skólaþjónustu.

Kennsluráðgjafar veita ráðgjöf í leik- og grunnskólum vegna náms- og þroskastöðu, námsframvindu, félagsfærni og hegðunar. Þeir veita ráðgjöf og handleiðslu um verklag við snemmtæka íhlutun, þ.e. að bregðast fljótt við námslegum, félagslegum og sálrænum vanda hjá börnum. Þá veita þeir ráðgjöf varðandi námsefni og viðeigandi kennsluumhverfi, oft í samvinnu við aðra sérfræðina Skóla- og velferðarþjónustu.

Kennsluráðgjafar taka þátt í þverfaglegri aðkomu Skóla- og velferðarþjónustu að málefnum einstaklinga, s.s. í teyllum um málefni einstaklinga og skilafundum utanaðkomandi stofnana. Þá aðstoða þeir við gerð einstaklingsnámskráa barna og nemenda með sérþarfir eftir óskum þar um og koma að úrlausn bráðamála, eftir aðstæðum og í samvinnu við þá sem málið varðar.

Kennsluráðgjafar liðsinna skólum við áætlanagerð um starfsþróun starfsfólks leik- og grunnskóla og standa fyrir öflugum tilboðum skólaþjónustu varðandi símenntun fyrir allar starfsstéttir skólanna. Einnig er samvinna og ráðgjöf til sveitarstjórna hluti starfs þeirra.



Mynd 23 Helstu verkefni kennsluráðgjafa skólaárið 2016-2017

## Markmið skóla- og skólaþjónustu 2014-2017

Vorið 2014 settu skólar og skólaþjónusta í Árnesþingi sér markmið í skólamálum fram til ársins 2017. Markmiðin voru unnin í samvinnu við sveitarstjórnarfólk á svæðinu auk þess sem starfshópur skólastjórnenda og starfsmanna skólaþjónustu vann að útfærslu markmiðanna fjögurra;

- Jákvæð sjálfsmynd, vellíðan og heilbrigði
- Samfella milli skólastiga
- Lestur
- Einstaklingsmiðað nám og nýting tölvutækni

Námskeið og fræðslufundir skólaþjónustu hafa að stórum hluta miðað að því að sjá kennurum og starfsfólki skóla fyrir námskeiðum sem lúta að markmiðunum. Jafnframt sendir skólaþjónustan út rafrænar kannanir að vori til að fylgjast með hvaða skrefa hafi verið stigin í skólastarfinu til að vinna að framgöngu markmiðanna. Niðurstöður eru teknar saman að hausti og kynntar skólastjórnendum og skólaþjónustu- og velferðarnefnd. Lokaskýrsla vinnunnar verður kynnt fyrir Skólaþjónustu- og velferðarnefnd, nefnd oddvita og sveitarstjóra og fyrir skólastjórum í upphafi skólaárs 2017.

## Námskrárverkefni

Á fundi skólastjóra og skólaþjónustu Árnesþings í desember 2014 kom fram hugmynd um að mynda starfshópa kennara til þess að móta námskrá fyrir hverja námsgrein með metanlegum viðmiðum í Mentor. Haft var samband við einn af ráðgjöfum hjá Mentor, Bryndísi Böðvarsdóttur sem jafnframt er búsett í Árnesþingi og samþykkti hún að vinna þetta verkefni með Skólaþjónustunni og fulltrúum skólanna.

Hver skóli fyrir sig tilnefndi sína fulltrúa í námsgreinahópana. Skólaþjónustan sá um að fá upplýsingar um alla fulltrúana, setti upp vinnufundina, boðaði til þeirra og undirbjó skjöl til að vinna með í hverri námsgrein fyrir sig. Á námskrárfundunum voru öll viðmið Aðalnámskrár skoðuð út frá matsskala Mentor og þau færð í það horf að hægt væri að skoða hvern nemanda fyrir sig út frá hverju viðmiði og leggja mat á þekkingu/færni hans.

Í maí 2017 lauk þessari vinnu og nú eru viðmið allra faggreina orðin metanleg inni á Mentor og þar geta kennarar skólanna nálgast þau og nýtt sér í sinni vinnu. Þetta mun auðvelda vinnu kennara mjög og er það von okkar í Skólaþjónustunni að kennarar nýti sér þetta í sinni undirbúnings- og matsvinnu. Til að auðvelda kennurum að nýta sér þessi metanlegu viðmið hefur Skólaþjónustan sett niður samráðsfundi í hverri námsgrein fyrir sig allt næsta skólaár. Á þessum fundum munu kennarar geta borið saman bækur sínar, rætt verkefni sín og nemenda sinna og námsmat. Þannig næst vonandi að ná fram fullri nýtingu á þeim leiðum sem kennarar geta nýtt sér í vinnu sinni til þess að einfalda vinnuferlið, nýta betur allar bjargir sem í boði eru og auka samvinnu og samskipti við aðra fagaðila.

## Sem Samstarf leikskóla og heilsugæslunnar á svæði Skóla- og velferðarþjónustu Árnesþings. Umsjón hafði talmeinafræðingur í uppsveitum og Flóa.

Í tengslum við gerð lestrarstefnu í leik- og grunnskólum í Árnesþingi kom fram umræða um hve þarft væri að fá upplýsingar frá ungbarnaeftirliti hjá heilsugæslu varðandi niðurstöður á Brigans athugun (2,5 og 4 ára). Með því móti má grípa strax inn í, í anda snemmtækrar

íhlotunar, ef grunur vaknar um að barn víki frá jafnöldrum í þroska. Ekki hefur verið um markviss skil á upplýsingum að ræða til þessa.

Talmeinafræðingur skólaþjónustunnar hafði samband við Önnu Guðríði Gunnarsdóttur hjúkrunarfræðing á HSU um samvinnu í þessu verkefni sem var vel tekið. Útbúið var eyðublað fyrir hjúkrunarfræðinga til að fylla í að BRIGANCE athugun lokinni. Eyðublaðið er síðan sent til leikskóla viðkomandi barns -ef niðurstöður sýna frávik. Auk þess var útbúið sértakt eyðublað fyrir samþykki foreldra til að miðla upplýsingum til leikskóla. Þetta nýja verklag var kynnt á leikskólastjórafundi Skólaþjónustu og sátu viðkomandi hjúkrunar-fræðingar einnig kynninguna.

Vorið 2017 var stuttur spurningalisti lagður fyrir leikskólastjóra og hjúkrunarfræðinga til að kanna hvernig verkefninu yndi fram. Svarhlutfall var því miður lágt, aðeins 7 af 15 svöruðu spurningunum; tveir leikskólastjórar af níu og fimm hjúkrunarfræðingar af sex.

Helstu niðurstöður voru þær að flestir voru sammála um að gengið hefur vel að innleiða nýja verklagið (fjórir) en þrír sögðu hvorki né en þar af var einn sem sagði að innleiðing væri ekki hafin. Aðrar niðurstöður sýndu að flestir sem koma að verkefninu eru jákvæðir í garð þess og telja mikilvægt að halda því áfram en einnig kom fram að brýnt sé að kalla aftur saman leikskólastjóra og hjúkrunarfræðinga sem sinna ungbarnaeftirlitinu og fara enn betur yfir eyðublaðið og þær spurningar sem skotið hafa upp kollinum. Með því megi tryggja áframhaldandi samstarf í framtíðinni.

## **Samstarf skólaþjónusta**

Skólaþjónusta Árnesþings leggur áherslu að vera í samstarfi við skólaþjónustur annarra sveitarfélaga. Skólaþjónusta Árnesþings, Félags- og skólaþjónusta Rangárvalla- og Vestur Skaftafellssýslu og Skólaþjónusta Árnesþings funda u.þ.b. þrisvar sinnum á ári og eru fundirnir haldnir til skiptis hjá þjónustunum. Samstarfið nýtist einkar vel. Farið er yfir það sem helst er á döfinni hverju sinni og hugmyndum og upplýsingum miðlað. Þá eru þessar þrjár skólaþjónustur í ágætu samstarfi varðandi fræðslufundi og námskeið.

## **Grunnur, félag fræðslustjóra og stjórnenda á skólaskrifstofum**

Skólaþjónusta Árnesþings er aðili Grunni, Félagi fræðslustjóra og stjórnenda á skólaskrifstofum. Haldnir eru fundir að hausti og vori þar sem starfsfólk sérfræðiþjónusta hittist auk fulltrúa Menntamálaráðuneytis og sambands íslenskra sveitarfélaga. Þar er farið yfir ýmis málefni er varðar skólamál auk þess sem fulltrúum gefst tækifæri til að hitta kollega og bera saman bækur. Forstöðumaður skóla- og velferðarþjónustu er í stjórn Grunns. Vorfundur Grunns var haldinn í Húsafelli í apríl sl. og sóttu forstöðumaður, teymisstjóri og kennsluráðgjafi fundinn.

## Stóra upplestarkeppnin

Að vanda hélt Skólaþjónustan utan um skipulag Stóru upplestrarkeppninnar fyrir nemendur í 7. bekkjum í grunnskólunum í Árneshöfði. Lokahátíðir voru haldnar á tveimur svæðum, annars vegar fyrir skólana í uppsveitum og Flóa en í því tilfalli sá Skólaþjónusta Árneshöfðinga eingöngu um skipulagið og hins vegar fyrir skólana í Árborg, Hveragerði og Þorlákshöfn þar sem Skólaþjónusta Árneshöfðinga og Skólaþjónusta Árborgar unnu saman að skipulagningu. Fyrri keppnin var haldin í Bláskógaskóla í Reykholti 9. mars 2017 og seinni keppnin var haldin 29. mars 2017 í Sunnulækjarskóla. Lesararnir stóðu sig allir með þryði.

### „Að deila er dyggð“

Á síðasta skólaári stóð Skóla- og velferðarþjónusta Árneshöfðinga fyrir námskeiðinu Fjölbreyttir kennsluhættir og nemendamiðað nám. Námskeiðið var haldið í samvinnu við Skólafélaga s.f. en þaðan kom aðal fyrirlesarinn, Ingvar Sigurgeirsson, prófessor við Menntavísindasvið Háskóla Íslands. Þetta námskeið var stórt í sniðum enda mikill áhugi á efni í öllum skólum svæðisins. Námskeiðið var haldið í tveimur hlutum. Fyrri hlutinn fór fram dagana 10. og 11. ágúst í Grunnskólanum í Hveragerði og seinni hlutinn 10. maí í Kerhólsskóla.

Á annað hundrað manns sótti námskeiðsdagana í ágúst og var margt áhugavert í boði s.s. fyrirlestur um helstu sóknarfærni í skólafélaginu þar sem m.a. var lögð áhersla á nemendamiðað nám, einstaklingsmiðað nám, samvinnu nemenda, teymiskennsla, upplýsingatækni, lykilhæfni, leiðsagnarmat og ólíkar matsaðferðir.

Hópaþingur fór fram þar sem bæði var unnið þvert á skóla og hver skóli fyrir sig. Lagt var upp með spurningarnar: „Hvert viljum við stefna?“ og „Hvað langar okkur mest að gera?“ Þarna sköpuðust miklar og góðar umræður sem kveiktu á hugmyndum um þróunarstarf á komandi misserum. Á námskeiðinu kynntu nokkrir kennarar í Árneshöfði þróunarverkefni sem þeir hafa verið að vinna að annað verkefnið sem tengist útinám og hitt í tengslum við nýja leið í námati. Þá var boðið upp á eftirtaldir málstofur: Teymiskennsla - Nemendamiðað nám og fjölbreyttir kennsluhættir – Samvinnunám - Upplýsingatækni - Lykilhæfni og leiðsagnarmat.

Við lok þessara námskeiðsdaga var farið yfir hvað hver skóli hugðist leggja áherslu á að gera út frá þessu námskeiði og hvaða hugsanlega afurð hver skóli gæti svo komið með á kynningar dag að vori.

Kynningardagurinn fór fram eftir hádegi miðvikudaginn 10. maí í sal Kerhólsskóla. Þegar þar var komið sögu hafði verkefnið fengið nýtt nafn: „Að deila er dyggð.“ Flest þau verkefni sem þar voru kynnt áttu upphaf sitt á námskeiðinu um fjölbreytta kennsluhætti. Önnur verkefni voru sprottin upp af öðrum ástæðum og út frá öðrum hugmyndum en öll voru þessi verkefni afar áhugaverð.

Ánægjulegt var að allir grunnskólar á svæði Skólaþjónustu Árneshöfðinga voru með kynningu þennan dag sem voru öll mjög metnaðarfull og góð. Mikil fjölbreytni var í verkefnum og voru allir þátttakendur ánægðir með kynninguna og margir höfðu orð á því að svona kynningardagur þyrfti að vera á hverju vori.

## Námskeið og fræðslufundir

Ein af megin stoðum í starfi Skólaþjónustunnar er að hafa fjölbreytt og metnaðarfull námskeið og fræðslufundi í boði fyrir starfsfólk í leik- og grunnskólum á starfssvæði þjónustunnar. Skólastjórar og kennarar hafa mikið um það að segja hvaða námskeið eru haldin. Það eru ýmist sérfræðingar skólaþjónustu eða utanað komandi sérfræðingar sem kenna á námskeiðunum. Þá er lögð áhersla á samráðsfundi kennara á svæðinu þar sem þeir kynna verkefni og vinnubrögð og deila þekkingu sín á milli. Skólar á svæðinu geta líka óskað eftir erindum sérfræðinga skólaþjónustu á fundum eða starfsdögum.

Skólaþjónustan sækir árlega um styrk til Endurmenntunarsjóðs grunnskóla. Hlutverk sjóðsins er að veita styrki til endurmenntunar félagsmanna í Félagi grunnskólakennara og Skólastjórafélagi Íslands. Áherslusvið sjóðsins voru í ár Leiðsagnarmat- mat og endurgjöf í námi nemenda, Hagnýtt læsi og lesskilningur í öllum námsgreinum og Þróun í verk- og listgreinakennslu. Styrkurinn sem skólaþjónustan fær, gerir okkur kleift að fá góða fyrirlesara og kennara og að geta ávallt kynnt það nýjasta sem er á döfinni hverju sinni.

### Eftirtalin námskeið og fræðslufundir voru haldnir á síðasta skólaári

Námskeið/fræðslufundur	Kennari	Staður	Ágúst 2016- júní 2017
Fjölbreyttir kennsluhættir og nemendamiðað nám	Þórhildur Helga Þorleifsdóttir Lilja M. Jónsdóttir Aldís Yngvadóttir Ingvar Sigurgeirsson Björgvin Ívar Guðbrandsson	Grunnskólinn í Hveragerði	10. og 11. ágúst
Samráðsfundur sérkennara og þeirra sem annast sérkennslu í leikskólum	Umsjón Kolbrún og Hrafnhildur kennsluráðgjafar	Bláskógaskóli Laugarvatni	26. september
Samráðsfundur sérkennara og þeirra sem annast sérkennslu í grunnskólum	Umsjón Kolbrún og Hrafnhildur kennsluráðgjafar	Flóaskóli	27. september
Snemmtæk íhlutun í málörvun tveggja til þriggja ára barna	Ásthildur Bj. Snorradóttir talmeinafræðingur	Grunnskólinn í Hveragerði	3. október
Samráðsfundur deildarstjóra í leikskólum	Umsjón Hrafnhildur Karlsdóttir	Leikskólinn Leikholt	12. október
	Hrafnhildur Karlsdóttir kennsluráðgjafi	Grunnskólinn í Þorlákshöfn	31. október



Boardmaker forritið, myndrænt skipulag og verkefni í leik- og grunnskóla			
ADHD og skólinn	Hugrún Vignisdóttir og Berglind Friðriksdóttir sálfræðingar og Kolbrún Sigþórsdóttir kennsluráðgjafi	Grunnskólinn í Hveragerði	15. nóvember
Kynning á Mentor fyrir skólastjórnendur og kennara á unglingsstigi	Bryndís Böðvarsdóttir ráðgjafi hjá Mentor	Grunnskólinn í Þorlákshöfn	31. janúar
„Orð af orði“ Kennarar í Flúðaskóla bjóða heim og kynna þróunarverkefni	Kennarar í Flúðaskóla	Flúðaskóli	7. febrúar
Kynning á Mentor fyrir kennara á yngsta- og miðstigi grunnskóla.	Bryndís Böðvarsdóttir ráðgjafi hjá Mentor	Flóaskóli	9. febrúar
SOL – spjallað og leikið Kynning á notkun SOL bókarinnar í málörvun í leikskóla	Hrafnhildur Karlsdóttir Kennsluráðgjafi og einn af þýðendum bókarinnar	Þingborg	21. febrúar
Jákvæð samskipti kennara og nemenda í skólastofunni	Ester Ingvarsdóttir og Bettý Ragnarsdóttir sálfræðingar	Grunnskólinn í Hveragerði	23. febrúar
Kvíði og tilfinningavandi nemenda í grunnskóla	Berglind Friðriksdóttir og Hugrún Vignisdóttir sálfræðingar	Kerhólsskóli	14. mars
Börn og tónlist	Birte Harksen tónlistarkennari í leikskólum í Hafnarfirði og Garðabæ	Grunnskólinn í Þorlákshöfn	15. mars
Efling orðaforða nemenda af erlendum uppruna, í leik- og grunnskóla.	Anna Stefanía Vignisdóttir talmeinafræðingur og Kolbrún Haraldsdóttir deildarstjóri sérkennslu í Flúðaskóla	Grunnskólinn í Þorlákshöfn	23. mars

### **Námskeið á skipulagsdögum og starfsmannafundum í leik- og grunnskólum.**

Sérfræðingar skólaþjónustu voru með fjölmörg námskeið inni í skólum á skipulagsdögum og starfsmannafundum. Meðal annars námskeið um einkenni einhverfu og TEACCH/Skipulagða kennslu, Tákn með tali, ADHD og skólinn, Skólafræðingarnámskeið, Kvíði og tilfinningavandi grunnskólanemenda, Söng- og samverustundir í leikskóla, Skapmikil börn, Að starfa í leikskóla, Kveðum burtu kvíðapúkann -fyrir starfsfólk í leikskóla og Streita kennara -fyrir grunnskólakennara.

